

UGOVOR

o nabavci usluga štampanja

Zaključen između:

1. JU Arhiv Tuzlanskog kantona, ID broj 4209473570000, sa sjedištem u Tuzli, ul. Franje Ledera br. 1, koga zastupa VD direktor mr. sc. Omer Zulić (u daljem tekstu: Ugovorni organ)

2. "Company Dis" d.o.o. Tuzla, ID broj : 4210038240004, sa sjedištem u Tuzli, koga zastupa direktor Denis Šipraga (u daljem tekstu Pružalac usluge)

Član 1.

Predmet ugovora je nabavka usluga štampanja panoa i kataloga izložbe Javne ustanove Arhiv Tuzlanskog kantona u skladu sa odredbama Okvirnog sporazuma za nabavku usluga štampanja i uvezivanja štampanog materijala, br. 02/6-11-3734 od 23.02.2022. godine, sklopljenog između Ureda za zajedničke poslove kantonalnih organa Tuzlanskog kantona i "Company Dis" d.o.o. Tuzla.

Član 2.

Pružalac usluga obavezuje se izvršiti uslugu štampanja:

- panoi izložbi na foreksu bijele površine, kolor štampa, dimenzije panoa 85x60 cm, debljina foreksa 8 mm.....20 kom.
- kataloga izložbi, dimenzija 20x20 cm, 40 stranica (sa koricama), K-B:135 gr, kuns. color, korica: 350 gr kuns. color + mat plastifikacija, uvez: klamerovano 2x.....300 kom.

Član 3.

Cijena usluge iz člana 2. ovog ugovora definirana je Okvirnim sporazumom iz člana 1. ugovora i iznosi 600,00 KM (bez PDV-a) za panoe izložbe i 1500,00 KM (bez PDV-a) za kataloge izložbe, odnosno **ukupno 2100,00 KM (bez PDV-a)**.

Član 4.

Ugovorni organ dostaviti će pripremu za štampanje (u PDF formatu), a pružalac usluga dužan je omogućiti praćenje samog procesa štampanja i obezbijediti jedan, testni primjerak štampanog materijala radi provjere i eventualnih korekcija prije finalne štampe.

Testni primjerak štampanog materijala iz stava 1 ovog člana ugovora uključuje jedan pano izložbe i jedan štamarski tabak kataloga.

Pružalac usluge obavezuje se da usluge štampanja i dostave odštampanog materijala na adresu Ugovornog organa okonča najkasnije do 21. novembra 2022. godine, s tim da je Ugovorni organ dužan pravovremeno dostaviti pripremu za štampanje materijala.

Član 5.

Ugovorni organ obavezuje se da će plaćanje izvršiti u roku od 60 dana od dana dostavljanja fakture.

Član 6.

Na sve odnose i institute koji nisu navedeni u ovom Ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 7.

Sve eventualne sporove iz ovog Ugovora ugovorne strane rješavat će sporazumno, a u slučaju nemogućnosti sporazumnog rješavanja nadležan je Općinski sud u Tuzli.

Član 8.

Ovaj Ugovor stupa na snagu danom potpisivanja obje ugovorne strane.

Ugovor je sačinjen u četiri (4) primjerka od kojih svaka ugovorna strana zadržava po dva (2) primjerka.

Pružalac usluga


Denis Šipraga, direktor

Broj:

100-1862/22


Datum:

05.10.

2022. godine



Ugovorni organ


mr. sc. Omer Zulić, v.d. direktor

Broj:

02-2204-1/22

Datum:

05.10.

2022. godine